




Undelivered
Please return to:

The Editor
CHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com/zousynod05@gmail.com

7a.

Edited and Published by the Editor on behalf of the Zou Presbyterian Church Synod

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 51 || No. 4

April, 2015



Editor: Rev. Tualzachin

Khristian Tangkou

Vol. No. 51 || Issue No. 4 || April, 2015

Editorial Board

Editor : Rev. Tualzachin - 9862829526
 Joint Editor : Rev. Stephen Chinzathang
 - 9863042789
 ct_stephen@yahoo.com
 Cir. Manager : Upa Jamsianmung - 9862086615
 sianmung@rediffmail.com
 Bus. Manager : Kamgenpau - 8974612937
 Sye T. Ginzahau - 8974438842
 Cont. Editors : Upa S. K. Khama - 9856406454
 Rev. Awnkhanhup - 9862828921
 Rev. M. G. Nehlien - 09535042257
 Rev. Kaimuanlal - 9862923960

ZOU SYNOD ULIENTE

- **Moderator:**
Rev. P. C. Manga
- **Moderator Elect:**
Rev. Khupkhanhuan
- **Secretary (Sr):**
Upa Ngulchinkham
- **Secretary (Jr):**
Upa T. C. Pau
- **Treasurer:**
Upa T. Lamkothawng
- **Statistician:**
Upa Sianzahau
- **Executive Secretaries:**
Rev. Tualzachin
Rev. Stephen Chinzathang

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom 02
- Thu kidang ka gen chim theilou 03
- Silpieh lam ah..... 05
- Jesu Khrist shina leh 06
- Easter Sunday Message 11
- Amasapen Mangpa a ding in 14
- Sil abawlthei hi17
- ZPWF Column 20
- Suunna..... 23

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S. Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinkham	14. (L) Upa D.K. Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzaton	23. Rev. Awnkhanhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhoichin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonlian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. Pu T. Kappa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taitul	104. Pu Kamkhanhup
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhanhuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhau	116. Upa Pauchinlel
117. Kimneihoi	118. Nh. Niangsuannuam	119. Nu Ngaikhanvung	120. P. Sanjiv Zou

LIFE MEMBER-TE

01. (L) Upa T. Khupkhanpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanhanching	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhozau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang

Published by: The Zou Presbyterian Church Synod, Zomi Colony, Churachandpur, Manipur-795128

Khristian Tangkou |

hi. Aji iit tah toh Pasian guoljawlna gil a ga goutan Pasal-2 leh Numei-5 ana nei uhi. Tam teng ban ah tuu (cousin) Pasal-7 leh Numei-2 mu man hi.

AKIZAHNATE: Ama adam sunga akizahnate tam nei a bang ahi. Kum 2000 December 17 in Manipur Gam Presbytery a 45 veina khawmpi thanei na toh Teikot Hattuum enkawl dingin Ordination pieh ahi tahi. Kum 2000-2001 sung in Singngat District MGP Finance Secretary in ana pang hi. Kum 2006-2007 sung in Singngat District MGP ah Chairman in ana pang hi. Kum 2014 November haa in Presbyterian Church Zoumunnuam phutkhetu in ana pang hi'n member poimaw tah ana hi ahi. Tahsa damthei louna ziehin kum 2014 in a sepna pat Voluntery pension ala hi. Pension zou a pat theitawpa etkol ahi nuo in March 14, 2014 niin Imphal Rims Hospital ah damna ngai in Major Operation bawl ahia, hinanleh damthei tuom lou in Imphal Rims Hospital ma ah November 17, 2014 niin Operation bawlkia ahia, tuaban ah innlam ah etkaw thei tan a etkaw ahi. Hinanleh mihing Programme leh Pasian Programme pen ana kibang sih a, tami khovel pen ei a ding iki khuolna leh i inn det ahi louna toh kiton in tami leitunga gim genthei, nat leh sat, kah leh maute, thuoh non lou dingin ama hina pepa Pasian in March 17, 2015 (9.45pm) vel in ahinna ahing lah pieh tahi. Tami shina tung ah tam i Khristian Tangkou tungton in it leh ngaiten isuun thu ipuong uhi. Mangpa hagau in a inn sung mite hamuon in umpi jing taken!

Alaa deite: 1) Kalvari a na hepina in
2) Tu atha ki hepina gamnuam

Editorial

Shina a guolzou a, thoukia I Mangpa Jesu Khrist min toh simtu zousie Good Friday leh Easter Sunday chibai.

April hasung in Hattuum nipoimaw Good Friday, Easter Sunday a um hi. Sakhodangte bang a, mumallou sakho bieh ihi sih ua, sakhuo sienghtou aphut khetu leh abawl khetu Pasian ahi. Leitung mihingte Pasian in ama bang lim leh meel puo a siem ahia, Eden huon enkol ding leh ama toh kipawl ding a ang siem ahi hi. Hinanlehzong Adam leh Evi na khelna a puatah ziehun, Pasian toh kikhen ihita uhi. Tuami a pat in hamsiet in ium ua, tahsa leh Hagau ah genthei leh liengvai ihita uhi. Tuabang dinmun a i um lain Pasian lungsietna leh itna kidim in, mihingte hing itluot man in jawlneite, siempite tampi ang sawl a, lawching zoulou ahiman in a tapa Jesu Khrist mama shina apat Hagau tawldamna, kumton hinna nga na dingin ang pekheta hi. Tualeh, i thudih lounate, i khelnate ihoilouna zousie Khross ah puo in Johan 19:30. "Ka zouta" achia, ashita hi. Nang leh kei mi zousie khielna a zou tahi.

Tualeh, nithum ni in a thoukia a gingtute a dingin thokiana makai ahing hita hi. Tam thokiana umlou hita leh Khristian/gingtu kichi umlou ding hi. Pasian ni in zong gen neilou ding, thu huntha zong aphattuom na umlou ding hi. Tuazieh in gingtu tampi in tam thokiana ziehin thu dih ahi chia gum in mi asang asim a sing a simten shi ngam in agum uhi. Tami thu ziehin, shi hamuonna zong gingtuten inei uhi. Sakhodangte banga bulbal bei ihi lou dan a chieng mama hi.

Jesu Khrist shina leh thokiana thu kipah huoi gingtute zui ngam leh shi tanpha pang ngam a, tang thupha Leitung buppi a puongzah dingin, a thei loute zasah ding, hilngam dingin simtu zousie ikingen uhi.

THU TUOMTUOM

leh Thumpi dinge:

01. **Friends Focus March, 2015** issue a imu bang un gam nuoi miten Libya khopi Tripoli Khristian mi 21 te a ngong tan pieh uhi. Ama uh te pen ahileh kilohna ding, neh suina ding aum ei chia Aigupta gama Coptic Khristiante haa khat zou nuo a Libya gam a hing lut uhi. I Khristian tanpi tam banga gim genthei mai hilou a, shina tanphah tuohte adingin ini chin hinkhuo ah amauh te ding in ana thum zing vaui.
02. **Lungdampina leh amaban uh thumsahna:** Pasion hoina leh mapuina vang in Mangpan Ami sienghtoute thungetna te hing sang in apeisa March 19, 2015 niin Zoveng, Zougaal Hall ah united Zou Organisation (UZO) Presidential Election nei ahi. Zou Nampi (Puipa) President dingin Pu Chinlunthang BA-LLB zousa teel ching ahi tahi. Maban ah ama leh a vaihawmpi (Cabinet) te a ding in i Zou Nampi min in mittui luongkawm in ana thum zing vaui. Mangpan vaihawm siemnate pie in, innsung khosah leh damtheinate toh guoljawl in umpi zing taken! Maban ah genthei liengvaite somdawl ding leh mite a dinga guoljawl na tuntu hing hiding in deisah sangpen ipie uhi. Ama pen phamsa Pu Thangkhanlal Ex-Minister tapa ahi.
03. **Lungdampina leh thumsahna:** Nh. Nemzalam d/o Phamsa Upa Zamkhongam Awnchinkap khuo a um in S.O (PWD) Department ah Sepna mutha in Pasion nasepna dingin a halaw masa pen Rs. 18,000/- pia hi. Mangpa'n ama leh a innsung mite a le tamsem in guoljawl in umpi zing taken. Thupina Mangpa pie un!

80. Nuamngaichiin, Tuibuang	Rs. 100
81. Manneiching, Manniang khuo	Rs. 20
82. Luanzaniang, Awnchinkap khuo	Rs. 20
83. Manpi, Central Church	Rs. 100
84. Nemzahoi, Daijang	Rs. 10
85. Pa Stephen, Police Quarter	Rs. 100
86. M. Chinkhanpau, Zomi Colony	Rs. 100
87. Chiinbawi, Zomi Colony	Rs. 100
88. Chinlamniang, LDCC Hiangzou	Rs. 10
89. M. Lamsuanthang, Manniang khuo	Rs. 50
90. Goukhogin, Tuibuang	Rs. 100
91. Nemzavah, Imphal	Rs. 500

NB:

Sl. No. 12-91 tan ZPWF Khawmpi a pepaite hing kitahlang ahi.

ORDAIN UPA SUUN NA

Phamsa
Upa S. Thongkhanhau



TANCHIN TOMKIM

Phamsa Upa Thongkhanhau pen Phamsa Pu Viellun leh Phamsa Pi Vungzahoi te tapa nina ahi. Kum 1955 in Sielna khuo ah ana pieng hi. Pienpi pasal 2 leh Numei-4 ana nei hi. Kum 1977 in phamsa Revd. Vungzalian khut a pat Baptisma ana tang hi. Kum 1978 in aji it mama Mrs. Huoingaimang toh Pasion dan siengthou in Phamsa Revd. Goulialan khut ah ana kiteng uhi. Kum 1985 January haa in Manipur Police Fire department ah Driver nasep (Kham) ana mu

50. Upa T. Thangchinpau, Tuining	Rs. 100
51. Nu Chiindeiniang, Behiang	Rs. 100
52. Nu Niangkhanvung, Tuibuang	Rs. 50
53. Manlamchiin, Central Church	Rs. 50
54. Nianghauchiin, Lailam veng	Rs. 100
55. Chiinneihoi, Lailam veng	Rs. 100
56. Niangkhanching, Lailam veng	Rs. 50
57. Mungsuanthang, Kanaan Veng	Rs. 50
58. Nemhoilun, Kamdou veng	Rs. 100
59. Ngaisianniang, Zomi Colony	Rs. 50
60. Chiinngainiang, Tuibuang	Rs. 100
61. Hatzaniang, Central Church	Rs. 100
62. Lhingkhoniang, LDCC Hiangzou	Rs. 100
63. Niangpi, Lailam veng	Rs. 100
64. Luanhat, Zomi Colony	Rs. 50
65. Chiinngainiang, Zoumunnuam	Rs. 30
66. Nianhauching, Tuibuang	Rs. 20
67. Chingneikim, Saidan	Rs. 10
68. Pa S. Thangzamang, Behiangjang	Rs. 10
69. Mandeiching, Zomi Colony	Rs. 100
70. Hatnu	Rs. 50
71. Chinghoikim, Tuibuang	Rs. 20
72. Chingsuanniang, Hiangtamjang	Rs. 100
73. T. Hoiniang, Awnchinkap khuo	Rs. 40
74. Pa Kamsuanlian, Lailam veng	Rs. 250
75. Nu Vunghat, Aina	Rs. 10
76. Vungngainiang, Tuibuang	Rs. 100
77. Vialkhankap, Tangpijol	Rs. 20
78. T. Kammang, Zomi Colony	Rs. 100
79. Donlamching, LDCC Hiangzou	Rs. 20

04. **Pasian in a Hattuum** ami siengthoute thumnate hing dawng in apeisa March 20-22, 2015 sung in Presbyterian Church Tuibuang ah Zou Presbyterian Women Fellowship (ZPWF) kumtawp khawmpi a (6) veina lawching tahin kijang zouta Pasian hagau pawlna thupi mama in Pasian ni sun Biehna kikhop ah mipi pumdimin Balcony leh Varandah tan letkhie in, mipi poimaw tahtah touna ding (seat) mulou in ding mai uhi.
05. **Zou Holy Bible Translation Committee (ZHBTC)** te panlahna toh Shillong Laitumkharah mun ah Proof Reading peitou lel lel a, Angsuoh chieng a, a dih lounate, ahoilounate niel/claim a iphun sausau sang in tu apat tat lou in ana thumjing va ui. Tualeh kupnuom neite a din jong tu a hunpet ahi.
06. **Biehinn tha Honna:** Pasian hoina leh umpi na toh apeisa March 28, 2015 (Kiginni in Immanuel khopi ah) Zou Presbyterian Church Synod te panlahna toh Biehinn hon ahita. Mangpa'n thupina, tang taken, Hongtu: Rev. Hangpi Manlun Biel Pastor

.....

THU KIDANG KA GENCHIM THEILOU KALVARI TANGMI AHI.

- Mr. Mangkhanpau
V. Bethel

- I. **Thupatna:** Muol gimnei. Havaina muol, Beidongna muol Kidron luigal Hamsedongte kikhai a Kros Lugu mun a siltung Kalvari tangmi a lamdang dan genchim huoi ahilou dan leh a silbawlthei dan kikum thei lai dia hingpui I Mangpa Jesu Khrist tungah kipah thu tunkawm in simtu zousie chibai.

II. Tangmi lamdang: Khovel a mithupite a shi ding chieng ua sil um khu e.g. (Nisa kuolkhum a um) khu alamdang na um sun ahi giap hi.

(a) Hinanleh i Mangpa Jesu Khrist khu apien masang kum 2000 (Sangni) masang apat a tangmi (History) ding zawlnei ten ana tangkou zou tahi.

(b) Ashi ni a siltung lamdang mama te ahi leh naithum (3) sung Vannei buppi sim zing, Anina(2) suongpiten paw zoulou a poh keh, Zilling in bangkim bawlthei ahina sulang hi.

Misiengthou shi masate thoukia khovel a mithupi penpente nasem a shi chia kumton gam a guohtang a pei lai ua Jesu ashini a misiengthou shi kha te a thokiana amuna ahi alamdang leh athupi.

III. Genchimthei a hilou dan: Khristiante i thugin uh (Mishikhuo ichi uh) mun nal a kigen ahileh Kalvari

tang mi ahi chi pen Khros a khetbet a aum zou a ni thum sung haan a aum lai in mishikhuo ah Gospel va tangkou hi. Tuaban ah genchim theilou, sahchim thei lou, sutchim theilou ngaituochim theilou thu khat bou a um a Kalvari tangmi bou ahi; chi pen min a gensau deudeu leh gentom ahidan akithei deudeu a, min a sah tam deudeu leh satom ahidan aki thei deudeu a, min a sut sau deudeu leh sutom ahidan aki thei deudeu na uh ahi leh Kalvari tangmi bou ahi.

IV. A silbawl theina: Laphuotun: Aw hing hil in tuibang thuh dan gan annkuong leh sing hamsie thuoh Vanmang Lukhuh toh akizawp lei Eden leh Van salem thah chi thu tomkim mama nanleh saupi ahuop ban ah asilbawltheina lamdang tah te zieh a i min hinna laibu a Record a um mai

21. Pa Chinkhenpau, D. Phailian	Rs.	500
22. Nu Mannou, Hiangzou	Rs.	50
23. Upa Chinkhanthang, Tuibuang	Rs.	50
24. Rev. Khupkhansuan, Muallum	Rs.	500
25. Nu Momoi, Shillong	Rs.	100
26. Upa Muantung, Kanaan veng	Rs.	100
27. Nu Noukhanching, Zion	Rs.	100
28. Nu Neigouniang, Tuibuang	Rs.	100
29. Nu Chiindeikim, Kamdou veng	Rs.	100
30. Nu Chingnuam, New Zoveng	Rs.	50
31. Nu Lamnu, O.K	Rs.	50
32. Nu Chingkhanmang, Zomi Colony	Rs.	50
33. Nu Chinghauman, Zomi Colony	Rs.	50
34. Nu Vialvung, Muallum	Rs.	50
35. Nu Dimneiniang, Central Church	Rs.	100
36. Nu Ginzaniang, O.K.	Rs.	50
37. Nu Luanmang, Lailamveng	Rs.	100
38. Nu Vungngaiching, Tuibuang	Rs.	50
39. Nh. Niangpi, New Zoveng	Rs.	500
40. Nu Nelnu, Muallum	Rs.	50
41. Nu Niangmuanching, Lailam veng	Rs.	100
42. Nu Ngaikhanvung, Lailam veng	Rs.	100
43. Nu Nianzadim, Zomi Colony	Rs.	100
44. Nu Ngaideihniang, Hiangdung	Rs.	50
45. Pa Kapminlian, Tuibuang	Rs.	100
46. Nu Neiniang, New Zoveng	Rs.	50
47. Nu Ngailam, Sangaikot	Rs.	50
48. Nu Chinghoiniang, T. Daijang	Rs.	50
49. Nu Vungzaniang, Muallum	Rs.	100

ZPWF COLUMN

5th March-26th March 2015 sunga Tunnu limbel panpina hing pete leh ZPWF 6th Session ah Tunnu Liim bel ading a Ginna thuchiem hing pepaite tam anei a bang ahi.

1. P. Lamkholal, Zomi Colony te innkuon apat:

Puonnah-5, Toka- 6, Jacket-2, Nih-2

2. Pa Chinlunlal, Chief of Buhsau apat Balbhog khichdi Pecket-13

3. New Zoveng PWF apat Anntang Kgs. 45

4. Nu Hoipi, Tuibuang Rs. 700

5. Upanu Songthaniang, Mizoram Rs. 3,000

6. Nu Chingneikim, Central Church Rs. 3,100

7. Nu T. Chiinneikim, Lailam veng Rs. 3,000

8. Pa Khamminlun, D. Phailian Rs. 1,000

9. Mrs. Flora Hatnu, U.K Rs. 46,000

10. 6th ZPWF Khawmpi Tunnu Limbel tholom Rs. 7,093

11. 5th ZPWF Khawmpi Tunnu Limbel

Ginna thuchiem pepai te apat Rs. 21,635

12. Nu Dimneiching, Zoveng Rs. 200

13. Nu Chongzakim, Lailam veng Rs. 200

14. Pa Khupzakhai, Sugnu Rs. 50

15. Nu L. Hoinu, Lailam veng Rs. 500

16. Nu Manngainuam, Muvanlai Rs. 100

17. Nu Hoiniang, D. Phailian Rs. 50

18. Nu Niangneiching, Nungshai Rs. 100

19. Nu Chiindeiniang, Belpuon Rs. 50

20. Nu Chiindeikim, Lailamveng Rs. 100

guoljawlna chinteng a hing
guoljawl zel i Mangpa
Jesu Khrist leh i pa Pasian
kung ah THUPINA,
LALNA, PATAWINA,
MINTHANNA tengteng
khuhsah in um zing taken.
Amen.

Asilbawltheina mun chin
a kikhel chih nei lou leh
tawpchih neilou in Vannei
buppi lua dim zing hi,
chi imguol lou in lang hi.
Hapi sung vantung leh
planate dangdang a um
zousie tung a ahoina uh
lat zieh a nithah, huntha i

mu zing te leh a umzing te
un agen ut ahileh silsiem
chinteng tung ah ahoina
leh asilboltheina asulang
nalai china ahi.

V. Thuzawna: Unau it Good
Friday in atup leh a ngim
chi tuomtuom te lah a tua
igen chi 4 te ahidan na
chien ngai ahi. Na chien
lou ngeingei leh Good
Friday tam veipi zang
nan lechin Hagau lam ah
napiching nai sih china ahi.
Tuaziehin Humty dumty
bang nonlou dingin Pasian
in a thu guoljawl taken.

SILPIEH AH KILAM THANA

- Ginzahau (O.A) ZPCS

Text: “Na Sawm-a-khat te uh Biehinpi ah hing tawi lut kum un,
tuachiin neh leh tah hing kiningching va, Keima hing patep un,
tuachiin keiman vankottate hing deihuoi isa uhi. Tamte Mangpa
hong in silhoi chinteng hing hoina ahi chi loungal gen ding
buohsuh vang” Malachi 3:10. aum sih hi. Mangpa hoina ipieh
thuh theina umsun pen Aman

Tamna i laisiengthou a imu bang a tapa tang neisun itlou a eite
un kumtha, haatha, nitha itante mikhiel shi dinga umte ang tat
koi jieh e? chi kingaituo pha lei khiet nate leh ang hundamnate

ngaituo kawm in silpieh ah kilamtha in pan na lahtha vaui. Silpieh thu ah I Presbytery tampi anaipen a umte enpha vaui. Manipur Synod ten 6th Pay Commission masang in Crore khat leh chibang muthei uhi. Hinanleh 6th Pay Commission zou apat in Crores (4) li bang tung tou phielta uhi. Tualeh Mizo Synod te Local paper apat ang suozel ua, 6th Pay Commission masang in Crores 60 val bang mu thei ua, hinanleh 6th Pay Commission zou apat in ang suozel ua, Crores 144 val bang muthei uhi. Tam nah enlei akimkhat sang a tamzaw akhang uh china ahi. Ei Zou Synod a enlei 6th Pay masang in Crore khat val bang ipethei ta ua, hinanleh tunitan in Cores 1.6 bang ah kinga nalai moh hi.

I Budget siemdante i et chieng Pasian muonngamna um lou hi. Tamteng ahiman in silpieh

lam ah idinmunte enkawm in kilamtha sawm vaui. Tamteng ban ah ei Zou Synod huongsung nuo et talei apetute Pasian zaukawm in pang mama ua, ei Local chin a akemtuten Pasian kungah i lat a, i thumnate zong manghil kibawl a heentang (Retain) kidem hilei kilawm kasa hi. Tam bang dinmun a i um laisie silhoi bawl kidem hilou in, sil hoilou bawl kidemte pawlpi ihi kha de aw chibang zauhuoi kasa hi. Local chin a apetu ten bang ma maw a posih ding a, ei a saituten Pasian mai ah maw kipozaw ding ahi. Mi'n Pasian bang achi mu a, en Pasian bang ichi mu e? Mi'n Pasian azau lai a, en Pasian zaulou a mihing izau e? Chi ki ngaituopha chiet vaui. Mangpa'n simtu zousie tahsa hagau a phattuompi chiet ding in hing guoljawl taken!

I Synod semtute halaw na thei tai? Huntawh na san mama e?

toh kikhenna khu kikoppina dihtah ahi. Tua ka hin khu kei hi nontalou in Jesu Khrist khu keima a hing ahita (Gal/ 2:20). Jordan lui a suong 12 phutin theizingna Joshuoin abawl a, tualeh Gilgal ah suong 12 ma lim (phutin) theizing na abawl uhi. Tamin suollam a shina a gingtuten Jesu shina iki koppina khu a ensah a, tualeh Pasian lam a thumang tah a i um na uh zong a ensah hi. Hinna ding in ishi phot uh angai hi. Na shi kha tai? kingai sut in.

ATHAWKINA SIL BAWLTHEINA:

Gilgal khu Jordan lui gallam a munkhat ahi. A umjieh khu “Kiliamang” china ahi. Tuakhu Jesu thawkiana etsahna ahi. Gamtha ahia, annthah (leiga) nehna gam ahi. Galsatna gam ahia, ginna guoljawlna gam - bawngnoi leh Khuoiyu luonna gam ahi. Jesu hinna tanghou khu neh ahia, hagau siengthou tuihing luikhu nadawn tai (luongkia) ahi. Hagau a dim

khu Jesu ei a ahin solna ahi. Tua hagau siengthou hinna vah ki tangdoh khu Jesu kilawmna leh loupina hai. Hinna tampi nei (John 10:10) tualeh ga tampi a ga (John 15:8,9,10,16) khu shi a thoukia Jesu Khrist hinna hagau siengthou in aluadim silboltheina kikopina gasuo ahi. Mittui lungpum a thum, Khantanhoi gen, hagaute Jesu kunga pulut van mipite kipahna tun leh gingtute kipahna pen ahi.

AGIMTHUOHNAKIKOPPI:

Khristian gingtu (piangtha) koi ahiei khangtou mama leh Jesu toh shi khawm, Jesu toh hingkhom, khawvel lam a shi tualeh ama a Jesu hing muthei pai in a um ua; tuachia Jesu hinna ama a alattheina ding in Jesu shina nichin a pua khu ahi ding. Jesu kimusitna thuohpina leh sawina in akhen sih ding hi. Heb. 13:13, II Tim. 3:12).

Mangpa'n simtu zousie vangbuoh taken.

hina ahi. (I Kor. 1:18 Rom. 1:16,17, I Kor. 15:1-3). Ginna ingnei tahtah chiengin kikhopina ipha uhi. Abraham leh Pasian ki unauna khu “Lawmta” aphathou hi. Tua khu bangkim kitaang ahi uhi. Khrist a um chi gingta a kithanpi china ahi. Mangpa’n suohte kang chi non sih ding a, lawmte kang chijawta ding achi hi (John 15:15). Kang thupiehte na bawl uleh ka lawmte hiva uchin, chi ahi (14:14). A thu a Jesu toh kikop a, atha hinkhuo a genthei taga khudaw banga hatlou leh tasama um nelnul thei ahi.

Amasapen in ginna Jesu leh thawkiana ipom uhi. Ei-aa ahileh ei jieha Kross a kilbeh a shi ahi chi igingta hi. Ama ihundampa ahi, i Mangpa ahi ipom a, akungah thu tut in ikilan uhi. I siemtanna ding a mishi lah a kipata thoukia ahi zong igingta uhi. I pom leh aman zong ang pom chi khu igintatna leh ikikhoppihna ahi ngal hi. Tualaitah khu ngaidamna, hundamna, (John 1:12; 3:16,26; II Kor. 5:17). Hagau a pienthana

in lungsim hinkhuo Pasian deilam in ahing kisulamdamg hi. Pasian thu in (Khantanhoi) a sulamdamg mite khu suol khu miellah ah a um zing thei non sih a, hinna vah nei in a um ta uhi. (John 8:12). Hagau siengthou in thumangin gingtute deidan, tupdan, hindan asulamdamg hi.

ASHINATOHKITUOHTOU ZEL:

Rom 6:2 ah “Eite suollam a shine” ana kichi hi. Tang 4 na ah hinna thah a ihintheina dingun ama shina ah Baptisma in ama (Jesu) toh vui in i um ta uhi, chi isim uhi. Tang 5 ah. Ashina a kipata ama toh ikizoptah uleh, athokiana kibatpi in zong ikizop ding uhi, achi kia hi. Kolosate 3:3 ah na shita ua chi isim ta ua, Jesu shina kitanpi, kikoppina khu ahi pen hi. Kilbehin ka umta Paul in achi thei hi (Gal. 2:20) Gal. 6:14). Na i sim leh hinanleh keivangin i Mangpa Jesu Khrist Kross chiloungal ka suong sih ding hi; Ama jiehin Vannei kei a dingin kilbeh ahita a, kei zong Vannei a dingin kilbeh kahita achi hi. Suollam a shina, Vannei

JESU KHRIST SHINA ZOU A THAWKIANA THU LEH GINGTUTE HINKHUO

(Easter Sunday Message)

-By Rev. Hangpi Manlun

1. Thupatna. Revd. Vanlalngaka in saggam ah “Good Friday sang in Easter Sunday khu miten athupi manjaw uh” a chi hi. Ahingeimai a Jesu thawkiana thu khu ei Khristiante thugin leh kingahna suongpi poimawtah khat ahi. I Bible uah jong 104-veitah atuong/kigel hi. Banah Khristian sahkhuo khu sahkhuo dang sang a thupina leh tungnun jawhna jiehi ahileh amukhepa Mangpa Jesu khu adamlai a agenma bang in shina zou a, nithumnin han a kipat athawkia jiehin ahi. Khawvel ah sahkhuo tamta aum a, amukhietute tuni dong in i Mangpa bang a athoukia koima aumnai sih hi. Tuaziehin I sahkhuo uh khu sahkhuo dih-le-tungnung ahina suhlatna khu Jesu thawkia jiehin ahi.

Jesu thawkia masang Hapta kalmasapen Sabath khu Kiginni ni-tah dah 6:00 pm in abei hi. Tuani-zouin Pasianni (Sunday) akipan a, tuachin zingsang

matahin Mary Magdalene, Salome leh Mary dangte hanah Jesu luong gim namtui nu ding in avapeita uhi. Tuachin Jesu thawkiana thu avamuta uhi.

Ahin Jesu thawkiana thu tuni dongin a pomlou leh gingta lou khawvel ah mitam tah aum uhi. Dr. Alban Doughlas gen dan amaute pomdan tambang ahi uhi:

2. I). Jesu thawkiana thu pen kisawlina/kikhemna na mai ahi chipawlte pomdan in (Hook Theory). Tamkhu kiksawlina mai ahi a, thutah ahisih a; tup khat nei a phuhtawm ahi achi uhi. Jesu shi thu khu History leh Pasian thu in jong apom sih a, nuajuiten aphuohtom uh ahi achimai uhi.

ii). Jesu Khross ah ashi dang maimai angawna. (Swoon Theory). Sepaiten Jesu khu thatlum louin, shidang mai ahijaw hi. Tualeh hanvot leh silgim tui apiehte un asuhal kia hi. Tuachin ahing hing kia hi achi moh uhi.

Alelam ah ngaituata lei asil don sah te uh khu koi hinna ding sangin poison lam ngentang ahi jawsop hi. Tuata jieh in shi ahijaw maithei hi.

iii). Mitvaina leh mukhielna mai ahi. (Hallucination). Nuajuite khun Jesu mukia akithalop mama ua, tuachin athou kia ngei ding in jong agingta uhi. Tuachin a mit-ha un amu maimai uh achi uhi. Eiten mit-ha a mi imu dan in Jesu thawkiathu agen uhi.

iv). Hagau lam sil maimai ahi. (Ghost Theory). A hagau amu ua Jesu hidingin agingta mai uhi achi uhi. Ahin Hagau in tahsa-le-sih a jong ne in jong a dawn thei sih hi (Luk 24:39-43).

v). Masanglai thawnthu/ tangthu maimai ahi (Myth Theory). Tangthu phuohtom kigen sawnsawn maimai jel ahi a, atah na aum sih hi. Tuajiehin, masanglai miten ana gen uh tua kigen sawnsawn maimai ahileh hi achi uhi.

vi). Genchetna dihtah. I Mangpa Jesu khu adamlai agen bangin Han akipatin kaithaw in aumta hi. Tualeh Nasepte 2:24-in “Pasianin shina, hennate khu aphelsah a, akaithouta, amakhu shina in hentang guol ahitahlou jieh in” achi. Tuachin, kalmasapen ani

masapen in vaah khu khawvel miel tanvah ding a thu apiehbang in, tuami ni ma in khawvel vaah Jesu khu, Eden bawsietna jieh a hanmiel nuoi atoute ang salvah tahi. Tamkhu Jesu thawkiana ni ahijiehin ei Khristianten (Sunday) khu Pasian bieh na ni ding in I jangta uhi.

3. Thawkiana thahatdan.

Dr. Alban Doughlas in, “Jesu thawkiana khu khawvel a silbawltheina thupipen ahi achi hi. Tualeh Atom bomb hatnate, Hydrogen hatnate, leh Uranium hatna chite khun suhsiet theina thahatna anei giep uhi. Thawkiana thahatna in mishite kung a hinna piehtheina aneijiehin a power ahat jaw hi” achi hi. Tuabanah khawvel ah thahatna (power) tuomtuom imuthei ua, etsahna din, electricity thahatnate, vang-ging thahatnate, huipi guopi thahatnate, thamlouin Setan nasan thahatnate in jong thahatna power anei chiet uhi. Ahin Jesu thawkiana khu tam teng zousie tung a thunei leh asang a thahat jaw ahi hi.

Thamlouin, natna thahatna jieh in khawvel a lamkai liente leh sahkhua mukhietu zousie ashi

company lawching mama a tul a simte khu a company uleh a CEO pa uh lawchinna doh in a um a, point masapen No.1 ah dihtatna/ muonhuoia(honesty) chi uhi. Degree leh siemna, angka siemna, pilna te masalou in dihtatna zieh in guoltungtuong uhi.

· Dihtattah in ihun leh, nei le lam te Mangpa adin zang vai;

guolzawl na chiem(promise) ihi. “Ka inn a neh ding ann a um theina ding in, sawm a khat zousie bu pangah hing koi unlen, tamte in hing enkhie un, van kotkhate hongin, akoina ding umlou khop in na tung uah guolzawl na ka hing sungbaw sih mawng eimah, galkapte Mangpa’n achi hi “(Malachi 3:10).

KHRIST SHINA LEH A THAWKIANA IN SIL A BAWL THEI HI



- Upa Khupsuankham
Contributing Editor

“Tuachia Ama khu thei a, Ama thawkiana hing thei in ama thuhte ka hing thuohpi thei a, shi tanpha a ama ka hing bahtheina ding in” (Phil. 3:10)

Good Friday leh Easter Sunday Programme iman ding uh ahia, tua toh kisai a Sermon ingaikhieh chiet ding uh ka gingta hi. Bang hileh ingaikhieh a izah, isim tualeh ithei thu khat ahia; tuaban ah nei leh kikoppi chi thu khat ahi leuleu hi. Pasian thu in a ngaikhetu mai hilou in athu zomtute hizaw un, achi hi (Jak. 1:22,25). Kal ah zong um

thei ahidan akichien a, tuakhu eima kisolna hinkhuo ahi.

Tampi a genlou in Jesu shina, thuohna leh amel sietna khu i gingta suh mai uhi. Ama gitlou jieh hilou in midangte gitlouna puo a, thuohsah, tualeh thaheng a shisah ahizaw hi. Kross thu akichi chiengin Khantanhoi, Jesu Khrist shina leh thawkiana

School ginatah a kai ding ahi. Competitive examte a lawchinna ding in proper education poimaw hi. Tuachimabangin gingtu hinkhuo a pichin thei nading in naupan apat pat ngai hi. Nu le pa ten itate Pasian thuhil, school hoi a kaisah chiteho imawpuona ahia, society in zong naupang Sunday school leh mission school poimaw ngai in puotha jel vai.

· Pasian poimawngai gam leh namte mi simmaw in umlou hi. Rochunga Pudaite in alaibu gel “The Book That Lasted Forever” ah hichin gen hi: “Tunia America gam thupi leh thuneipen ahina khu alamkai masa, President masaten Bible leh Pasian ana toisang zieh uh ahi. America history khu akihengthei sih hi.” Tunin America khu sietna in dim nanleh abul apat a lamkai te un Pasian a abulphu zieh un USA khu adet a, gam teng lah a thuneipen(superpower) hina atu hi. President Barack Obama Republic Day Chiefguest dia angpei in, ahatna(strength) khu Khrist ahidan hangsantah in atahlang hi.

· Nei-le-lam ah zong Pasian ma amasapen a koiding in Laisiengthou in ang hilchien hi. “Na nei nalam leh na louma a gamasate zousie in, Mangpa pahtawi in. Tuachi’n na annbuhte khu bu in ahing dimlet dinga, na belpi liente zong uoin tha in adimlet ding hi”(Thupil 3: 9-10). Sepna nei tha ten halaw(salary) masapen Mangpa ading a pieh ding ahi. Tualeh nitha, kal a sum leh halaw apat **som-a-khat** ipieh khu “amasa” ipieh ahi hi. Asum a sim guoh hilou in, haichi lah a suo masa, ganta pieng masa chiteho biehinn a lat ding ahi hi. Som a khat kichi khu Pasian igiin leh poimawngai etsahna ahi. (Deut 14:23).

· Upa Chinthawng in, “ Pasian in igenthei nading a athu ang zuisah hilou in ihoinding inopsah nading ahizaw hi” chi hi. Ahoi dan leh aloutheilou ahidan kithei in lah theitangsan a ki lep khajel, ki dihtatzoulou jel. “Dihtatna in nam atoisang hi”(Proverbs 14:34). Kum aza a sim masanga British te khutsua tunitan kizang lai a sawtpi dailai ding tam hi. CREDIBILITY chi business laibu khat ah, leitunga

siengta uhi. Tuachin ahante uh jong thupitah a bawlin aum chiet uhi. Ahin tuni chiengin khatma jong athoukia sih ua, ahante uh jong akihong sih uhi. Ahin Jesu khu tunin athoukiata hi. Nidanglaiin Aiguptaten khawvel top chieng in thawkiana um ding in ana gingta uhi. Tuachin Pyramid-khu ahan inn ding un mi 1,20,00-velten asun, ajan in kum 35tah alam/sem uh a, tuachin Pyramid masapen khu analam zou tahi. Tuami lamna ding a suong jahte uh khat maimai jong agihdan ahileh ton khat sang a gih jaw ahi hi. Tuachin alamjoutah un, akumpipa uh shisa luongkhu hoitah a tuomin (embalmed) bawlin akoi uhi.

Tualeh Pyramid khat atawkhahna uah a han sung ah ann (wheat) amukhie uhi. Akoina jiehu ahileh ahagau athaw chiengin, agil akial ding a, tua ann apoimaw ding chiin akoisah uhi. Tua ann khu kum 3000-val kikoite zong amu ua, anehteina laiphiel hi achi uhi. Ahin akoi sahte uh khatbeh alengpa uh lamkai in athoukianai sih uhi. Thamlouin Taj Mahar khu Shajahan in azi ittah han/kivuina dia abawlsah ahi. Ahin a han khu apoimaw pen sih a, athawkiana

thu apoimaw hi.

4. Jesu hanvengtuten zuou agen uhi. (Mathiu 28:11-15)

4.i). Rome sepaite khu Jesu luong aveng uhi. Ahin Jesu haan akipat anghawtahin zilling thupitah hing um in, avengtute khu khawtheilouin aum sieng uhi. Ahin khuo ang thei tahun Dan siemte kung sil umdan avahilta uhi.

4.2.). Tualeh Juda Siemputen Jesu athoukia sih chia zuou gen dingin sumte pie in mite agolgu uhi. Tamkhu Thuhuntha ading a golguhna huoisietah (corruption) ahi. Sepaite ihmud kalin Anuazuiten ala/gu doh uh chin zuou agensah uhi. A ihmu uh ahileh bangchi dan a a ihmud kal ua siltung khu athei ding uh e zuousanpi ahi. A jiehu ahileh silkhat veng ding a sepai kikoi a a ihmud uh khu khawvel asil hithei ahisah hi. Tualeh ahunlaiin sil vengtu ding a kikoi khat in asilvente uh angaisah sih uh leh shitan a zong gawtna pieh ding ahi uhi. (Nasepte 12:19). Tulaitah a MP vote kuong kivengte khu avengte ihmu in kigumang leh India gam pumpi anahbuoi ding dan toh kibang hi. Siempu liente

khun Pilat gawtna ding apat asuatatna ding in theitop in pan alahpi jiehua suata ahi uhi. Tamte tahsang in tuni dong in Setan in mitamtah lungsim leh ginnate suhmiel sahin Jesu thawkiana tahsanglou ding in akoita hi.

5. Zuauthu ahidan tomkim in isuiding uhi.

5.1). Avengtu zousie asilven uh a ihmud san uh leh jong abon un a ihmu ngel ding uai le, amauh ading in sil hitheilou ahi.

5.2). Suongte akilia va pual laiin khat beh in thawmza in athou sih ding uh e, ashi ahisih uh leh?

5.3). Nuazuiten tua suongpi abon un alia lou leh mi khat leh ni lia guol ahina diei le?

5.4). Avadap lut thei ngel ding uaile tuabang sepaiten khautah aven lai un?

5.5.) Avengtute a ihmu uh ahileh bang chidan agutute athei uh e?

5.6). Jesu thawkiana mutahtah mi asingtelte gendan leh amaute gendan akikal uhi.

5.7). Tualeh athugen uh adih ahileh bangchi dan a sepaite thamna (guhgolna) pieh ngai uh e?

5.8.). Tualeh anuajuiten vagu hileh uh bang dia apuonsilte anuasiat ding uh la?. Tamte akipatin zuauthu leh Jesu

thawkiana thudih ahidan akimu chieng thei hi.

Tualeh Judate leh Gentailte alah a zuau thu thang dihluu umkhu tuni dongin akithang den hi. Dr. Wilbur Smith genchetdan in: Numeite khu han dihluu ah vapei kha uh chin agen uhi. Ahin Ziltopni (Friday) apat Pasianni (Sunday) zing sang kikal in i it-le-ngainatna han imanghil talawm ding uh e? Tualeh Joseph mihausapa han a huon sung aum ahi a, tuanah handang aum sih hi. Ahin numeite khu mittui luong apeilai un alampiel kha uh achi kia uhi. Ahin, pasalte Simon Peter leh Johante jong hanah kaplouin avapei ua han-guoh avamuta uhi. Thamluoin Han-gei a Angel umin “*Ama tamnah aum nawn sih a, athouta hi. Hingpei unlen, Mangpa kisielna hing en un*” achi hi. Angel in zuou agen sam ding e le?. Tuaziehin Jesu thawkiana ginlelnate zousie khu zuou thu phuhtawm ngentang ahi hi.

6. Jesu athawkianua-in tamte kung ah avakilah hi.

6.1. Mary Magdalene kung ah avakilah hi. (Mark 10:9-11)

6.2. Numei dangte kung ah (Mathiu 28:8-10).

6.3. Peter kung ah (Luke 24:34)

6.4. Nuazuite kung ah Thomas

“Na lampi zousie ama theisah in, tuachi’n Aman na lampite atangsah ding hi” (Thupilte 3:6). I niteng hinkhuo ah zingkal ihun masapen Pasian kung a kilat nan mang lei sunnitum in lungmuonna guh khat inei ding a, hunteng ilatkhietsa ahiman in ibawl zousie alamzang deu ding hi. Zingmawng chauh a biehn bawl a sunnitum zaan tungtawn deidei bawlding china hituonlou leh zong Pasian apoimawpen a koi ten bawlding hi. Hun masa Pasian adia izah khu ama ipoimaw ngai etsahna ahi a, atawptanpha in ama igeldoh ding a tualeh aman ang umpi zing ding hi. Mangpa a kipahna sui a thupiehte ngaituo ngitngat mi khu luigei a sing pou, ahun a ga zel, ana zong vul ngei lou toh akibang a, asil bawl pouma ah alamzang ding hi(Late:1:).

· Kumtha chia zong party bawl a buoikhop lou in, Pasian kunga kilatna leh khumi kum sunga ibawlkhiet ut pen latdohna in nikhat guoh hilou kumbul lam mawngmawng manglei kum lawching ahiding hi. Gingtuten hun-le-ni, paw(festival) ineite uh khu guolnopna meia zangloua

Pasian a kituhlutna leh biehpiehna te a man ding ahizaw hi.

· Sangnaupang siemna leh sepna sui a khopi tuomtuom a kuon ten zuitawntung zou sih nanlei, tunzou kumkhat, kumlang, ha thum tan beh ann ngawl a thumna, kilatsiengna, itup ingim latkhietna a man ding in hoi hi. Pasian a kitulut a sakhomite loching ut hi. Kicheidan, phone leh laptop te toh buoi a silsiengloute ipoimaw ngai khah laizang leh lawsam ding ihi. Hamphatna ichi khu Pasian guolzawl na ahi. Joshua 1:8 – “Tami dan laibuin nakam pawtsan vawt sih heh, hinanleh asunga kigielte zousie na zui chinten a na bawl theina ding in, sun le zan in na ngaituo zaw ding hi; tuachin na lampi te ah na tuohpha dinga, tualeh lawchinna hoitah nanei ding hi”.

· Naupang apeina ding lampi ah chil in, a upat dongin zong tuate akipat in apeimang sih ding hi (Thupilte 22:6). Naupanlai hun apat Pasian thu a kibulphu ding apoimaw dan atahlang hi. Laisim khat adingin zilna gina (proper education) poimaw hi. Tuakhu sildang ahisia High

khuom 7toh khauin akaan beh ua gu kilawi khop hiel in khauin akaai ua hinanleh a zau dieh sih uhi. Tuaphet in akhatna pen a ngawng asun ua athat uhi. Anina pen a awm asun ua athat kia ta uhi. Athumna-asin asun ua, alina-a gilpi asun ua, angana –anungjang asun ua athat ua, aguhna anaah asun ua, a sagina akaithaang sieng uhi. Polycarp kum 86 a upa tehsie zong hutkhiet sawm in Jesu awsie law dingin ajawl uhi. Hinanleh aman “kum 86 Jesu kana zuita a kei a dingin silhoilou a bawl ngei sih” achi hi. Tuachin meiin ahaal ua, athat ta uhi.

Pasian tate pen khawvel mite umdan, ngaituo dan leh hindan toh kibang dingin Mangpa’n ang dei siha, amaute lah apat pawtdoh dingin ang chiel ahi. Khristian ihina uah ginna a kalsuon ihi uhi (2Kor 5.7). Lot zinu thumanlouna lampang ah zilda mai vai. Khawvel thupina leh loupinate nuo et et louin Jesu mitsuon in kal suon vai(Heb.12.1-2). Tam khawvel solna huipi hing laang in sietna leh gitlounaten tuipi kinawng bangin hing nawh nanleh liinglou a thoukia I Mangpa Jesu i ginna hasuo loua dettah a dingdet dingin Mangpan athu simtute zousie a dingin guolzawl taken!

Amasapen Mangpa Adingin

- Thangminlian, Taithul

Tuipi kinawng banga buoina, hahsatna, hemna, lungdonna leh lungluttheina tuomtuom tamna ihinkhuo ah, ama apoimawpen leh amasapen a koizing ding khu angsiempa Mangpa Pasian deidan anahi hi. Sil hahsapi hisihlezhong, chitlana leh bukimlouna khovel ahiman in ibawlda jel a, eima huoihamna, utna leh deigawnate imasasah jel hi. Hinanleh, mihingte’n ihinsan pen ahiban ah lei guoljawlna itan utleh, Pasian amasa/apoimawpen in ikoi ding uhi.

- umlou kalin. (Johan 20:19-25)
- 6.5. Nuajuite kung ah Emmau lampi ah (Luke 24:13-32)
- 6.6. Nuajuite kung ah Thomas umpet in (Johan 20:26-31).
- 6.7. Nuajui sagite kung ah Galilee tuipi piau ah (Johan 21).
- 6.8. Nuajui 500-te kung ah (I Kor.15;7).
- 6.9 James kung ah (I Kor. 15:2)
- 6.10. Nuazuite kung ah Olive tang ah (Nasepte 1:3-12).

Tamte jiehin Jesu thawkiana thu khu thutah leh ei gingtute ading a iginna uh kingahna uh ahijiehin hangsantahin ipuong jah jeljel ding uhi. Tualah Easter Sunday massage thupipen ahi leh Angel gen bang in, “Hingpei unlen hing en un ... va genta un” (Come and see... go and tell) ahi. Jesu athoukiata chi’n ajanailou mite kung ah igen gen jeljel ding uhi. Amen.

EASTERSUNDAYMESSAGE DINGDET IN KILOH SIN

(Text: 1Korinth 15.58)

-Rev Jonathan Nehlien

(I Korinth 15) nain ahileh Hattuum dinsan, kinepna leh lametna: Thawkiana thu nasatahin agen ahi. tuami ahi tunia igen sawm pen. I thupi dingdet chi ahia dindet chi pen in lam tuomtuom akawh thei hi. Gentenan: nungah tangval kingaite ka’l a dindetna leh zi leh pasal kala itna detdoutah bang ahithe ihi. Mihingte zong imizie uh akibang siha khenkhat adet a det mai, adangte ahileh kiloh paipai, kiheng thep thup chi bang um thei hi. Tunia igen sawm ahileh sildanga dindetna hilouin Khristiante thawkiana mishi thawkiana thu a sawltah Paul in Korinth khuo a Hattuumte kunga ana gen thu ahi.

Korinth khuo pen tuipi 2 tetuo khopi mun poimaw ahi. Korinth a kuongkaimun, sumbawlina khuo ah kikhentelna, kipumkhatna, mumpi, Rom kumpi, Julius Caesar tahsapna, kitenna tungtanga, vaihawmna nuoi, Akaia gamsunga hindaan a thaanghuoina(nulepa

kaal a), zalenna mansiemplounate bang, numei leh pasalte dinmun theilouna thute tualeh hagau silpiehte tungtang a buoinate bang anei uh ahi. Tuabanga khelna leh dihlouna umte bawl hoina dingin Sawltah Paul in Ephesa khuo a pat in AD 55/56 lai vel in Korinth laithon pen ana giel ahi.

Nidanglai apat tunitan dong in tahsa thawkiana thu gingta lou ahisihleh mishi thawkiana thu gingta lou mi aum zing nalai ahi. Sakho dangte apat Khristian sakhua a danglamna bih ahileh “Jesu athawkiana” ahi. Tam thawkiana thu toh kisai a i ginna, kingahna, suhliing guollou in dingdet un chi hi Paul in Korinth mite kunga ana gen ut pen ahi. Paul in khantanhoi achi chiengin Jesu ashi a, vui in aum a, athoukia ta a china ahi (1Kor 15.1-8).

Tunin Jesu thoukialou a shi den hitamawhleh mishisa phat a lasa i suoh dinga- mishisa bie bie ihi ding a, mishisa kunga thumthum isuoh ding a, mishisa tungtang thu gen gen a tangkou i suoh dinga mishisa gingta isuoh dinga Jesu thoukialoua shiden ahi leh vang silzousie bangmalou a suoh dinga akikheel sieng ding china ahi. Nuozuite zong atuungin ameidawi ua ahangsan sih uh chi imu hi.

Hinanleh I Mangpa Jesu a thawkia nuoin a kung uah ava kilah a tuachin Hagau Siengthou a tung ua Pentecost nia a tan zou un shina dahkal ngei a zong taiselouin hangsantah leh dettah in” kamu uleh kazah uh genlou thei ka hisih uh” chi in apang ngam ta uh ahi.

Jesu thoukia ahi chi chientahin athei ua, suhgenthei leh bawlsiet in aum ua hinanleh suhliing guol ahi tasih uhi. Nikhatni chiengin agintatpa un mishi lah apat hing kaithou ngei ding chi gintatna anei ziehun shi khawh salouin a dingkip uh chi imu thei ahi.

Rome 15.4 na in “masanglaia na kigiel pouma khu laisiengthoua thuohhatna leh lungmuonna zieh a kinepna inei theina dinga eite kihilna dinga gel ahi” achi hi. Tuami umzie khu-Bible (O.T) hi henla N.T hileh tangthu kigelte pen nang leh keia dinga i kihilna dinga gel ahi a china ahi. Gentenan, Thuhunlui a mihangsan Caleb bang Pasian a muonna ah lawnglou ahidan kimu thei hi. A tanchin in laisiengthoua peh tamtah luo sih nanleh” zattuomna” khat anei hi. A luo ding uh gam enkhe dinga mi 12 sawl a aum un mi 10 ten lunglelna anei ua report hoilou abawl ua, tuahun ah ama (Caleb) leh Joshua

maiin “Mangpa’n i khut ua a pieh ahita” achi thei uhi. Tuami agen ziehin a lungthah ua tha asawm uh chi zong imu ahi (Numbers 14.10).

Israelte Pasian a aginumlouna ziehun Caleb bawlkhiel bangma neiloupa gamdaiah kum 40 avah vaipi ua, hinanleh Caleb in Pasian angawh sih a Pasian tunga zong aphun sih a Mangpa muongin gamchiem lutna ding ni leh hunte ngah in dettahin ana um zing a kum 85 a phah nua in zong Pasian gam a dingin “ katehta” chilouin pan ala zing nalai chi imu ahi (Joshua 14. 12). Caleb bangin I hinkhuo ah Mangpa deilam suiin atate ihina ah hattah leh hangsantahin khawvel mite banglouin zattuomna toh hinkhuo mang in ama na semlei chi ihi. Job hinkhuo i theisa uh ahi. Atawp dongin athuoh muolsuo a lawnglouin apang hi. Daniel hinkhuo zong tuabangmain dettahin Pasian a tudet hi.

(I Pet 1.14-15) “ta thumangte bangin, na theilou lai ua na nidanglai tahsa utnate uh banga umlouin. hinanleh noute hing ha’npa a sienthou bangin, noute zong na gamtat dan zousie uah siengthou un”. “khawvel leh asunga silte ngaina sih un, atuom in hing um un” (2Kor 6.17)

Gingtu khat kigenna dinga zah thada huoi mama ahileh “ama Khristian akichi vanga Khristian loute toh akilamdanna umloupa, achithei veve akhu” chi ahi. Khristian kichi in adudu ne, adudu dawn, a ud ud bawl, bawlmaw neilou, bawl theilou zong neilou ihileh vang tunin dingkip zou lou ihi kha maw sih ding hi. Dinkip a poimawna ahileh mi Khrist a dia a dindet chiengin gingloutein Pasian atheilaw uh ahi. Khawvel deidan ahileh Pasian sanga a silsiemte a lunglut zawhna ahi. Demas in khawvel angainat ziehin Pasian lampi a taisan hi (2 timothy 4.10). Mit utna, tahsa utna, zuou gen, guhtat, siengthou dingin Pasian in ang dei uh ahi. Khawvel azauhuoina ahileh lepchiene kidim ahi, zuautatna kidim ahi sum ngainatna kidim ahi milim bieha kidim ahi.

Singkung detna ahileh a zung athuhlut zieh ahi. Building zong a foundation athuh pouleh det ahi. Kumzabi 2na (100-200 AD) laia Trajan hun a suhgentheina ah meithai nu Symphrosa leh ataten bawlsietna atuoh uhi. Symphrosa meithainu pen suonglienpi angawng ah awsah in aum a tuilipi ah tumsah ahi. Atate mi 7 ahileh